

田
間
詩
集

田間詩集卷第十一

客隱集

癸卯

春雪還江竹留別諸子

二月山城雪亂飛
江村獨叱蹇驄嘶
吟詩客散詞壇冷
惜別魂傷酒力微
陰壯也知消不久
花遲卽恐凍全稀
紛紛舞絮盈庭集
可念當風老衲衣

復客

爲客吾生事無端
返舊扉乳鴉爭學
噪獨鶴悔思歸
怪人情異應知否
道非方袍不可着
從此換征衣

季秋偶志山寺方繡山見過邀爲匡廬之遊此

聞信輒返君已呼酒薄醉小詩見意

秋後村無徑家家一水環君方呼釣艇我已出柴關竹
裏門誰應牀頭酒未慳遲予山路遠早是醉言道

欲還何所待待我上匡廬已是多年願況承前日書
先有字見將字籬邊樽盡後松際月明初便可挂帆去吾身信
所如

乘月汎舟到樅川卽事

小艇維門首停杯卽可登本無裴待治況是月堪乘風
起酒通散路迷山足憑中宵忽有悔忘挈舊扶藤

飲劉臣向家塾

別業僻難到，同人老更親。
雄談看興會，痛飲見精神。
紫蟹初登市，清醪轉乞鄰。
盤餐方法備，不似阮家貧。
頃見

顛鮓菜而已

舟行知事

時秋水大漲

一白杳無岸，潮黥自深江。
程從此直洑，路不須尋沙。
矣，扁舟興暢，游子心遙。
愁今夜泊何地，可行吟。
此概

未知江路險，見皖公城樓堞中。
流出閭閻一水平，江

驚霜樹過青，遠山迎近岸。
堪乘漲，毋煩破浪行。
過皖城

風帆爭利涉，泊且安眠村。
沒通無店城，昏薄有煙過。

船牛屋上倚，口女牆邊綠。
綠波裏，官量何處田。
時止有量

日知錄

卷十一

客隱集

七

今

秋濤高數丈半浸小孤山怪石根全沒危峰勢可攀
盤空不去僧乞米頻還避水居人苦爭栖巖穴間

望小孤山

過江流最急逆溜到城邊倚石排魚網當門渡小船樓
頭三鼓斷石鱗一燈懸見說巖栖叟團瓢二十年

宿彭澤

望漳湖懷范小范

漳湖秋後漫釣者興何如莫辨江邊路焉知湖上廬田
存難免累

頃以丈量小范甚苦

水至豈安居百里縱陽近七年不

寄書

南康道院

小院荒涼甚游觀一郡推吏時稽客至官或送人來雅
咏僧童怪深孟道士陪竹房新簪酒待我下山間

望廬山

匡廬入夢已多時乘興先探絕頂奇一路葉埋雲運屐
合山僧待予瞻詩雲鋪半嶺村猶霽雨在高峰客不知
小豎暗攜長笛至擬登五老向容以

宿棲賢寺五首

山路苔深客至稀特尋鐘梵叩禪扉大師度嶺誰爲主
天然師道場監院遊吳且未歸乍聽遠來爭接杖却憐初到

勸添衣白茅小屋開方丈送我安單暫息機

見說棲賢古道場自經劫火到今荒閉庭仍接諸方衆
耕種纔收半歲糧願力須完皆是妄名根未拔豈能藏
雷峰老漢真知識住院親條揭滿堂人

投宿硤砂菴

一名老
斷菴

路入含鄱冒雨趨

嶺南
鄱陽

硤砂峰下一菴孤把茅初葺

主人出脫粟能炊明早無時有山精窺戶入海闍張鬼
隔牆呼小師細述多遺蹟此地曾居舜老夫

宋
廬
師
公

萬松坪贈聞極上人

廬峰峰半萬松坪乘興探奇冒雨行白晝打門山鬼戲

黃昏過嶺野牛鳴舊持南岳書難達

十年前卓
卷解師
青
雲
行

新撰匡廬志已成

土人修志甫成

別院一間迎養母疏

賴母經營

阻雨萬松坪紀事

今年九月天氣清方子邀我章江行舟過鄱陽不肯去
掠衣直上萬松坪十步九歇不言苦舍鄰岩口初逢雨
罡風吹我去何之夜宿老樹菴無主朝雲沉沉雨勢大
拄杖已折草鞋破石頭路滑赤脚遲又遇衝風吹我墮
與子相失半山腰空林獨往影蕭蕭煙雲合處通無嶺
溪水啞時知有橋我到橋頭發高咏方子林際遙相應
溪流宛轉松漸多松中已覺精廬近隔松隱隱見炊煙

有僧長鬚三門前知是老禪揖不得解衣同上大牀眠
老禪呼水濯我足更作椒湯煖我腹夜深添火談不休
自看密室與我宿雨聲夜雜溪聲鳴方子終宵有歎聲
自疑五老緣太淺兩度來遊天不晴方子勿阻看山興
我到山中計已定不晴不上五老峰判與老禪過此冬

由萬松坪冒雨到凌雲舍卽事

我來遊廬山志在造其巔皇天不肯晴僧牀累夜眠今
晨米告盡焉得不言還去此五老峰往尋三疊泉石間
本無路草際微可沿甫從溪中過忽又巖上穿雷聲二
何怒奔流百丈懸攬衣並流下谿路實使然況復雨時

至對面愁攀援杳冥失山色彷彿有無間遙聞竹中語
微見松際煙老僧供茗飲一啜禦我寒更言前路險絕
壁俯深淵自舍所扶杖遣徒導我前捫壁不容趾投杖
竟過焉還顧綠水潭一泓澄可憐胡爲銀花翻疑有神
鼎煎前登偈側嶺竹林遺蹟傳題名者誰子石止草草
鐫石縫裂盈尺上窺一線天或云有絕徑從此達玉川
越嶺徑彌仄窺崖脚已攀所恃霧氣隱但聞水聲喧方
予指我笑昔鏡今何驛回頭見方子前後爭扶牽半晌
僅能過中心猶惛惛道逢虎跡新謝遣導者旋此去蒼
苔滑十步九躓顛山查味極佳杜鵑色正鮮山高風氣

勁此物何由全不見山頂松屈曲生崖邊其高僅盈尺
其奇已千年枝爲罡風吹根與頑石纏所以柯不高惟
有瘦且堅踳踳至峰口峰勢轉巒屹徘徊不敢下荆棘
任所扳時時學猿挂往往愁鳥翻遙見煙霧中似有瀑
布奔明滅倏無定迷離眼漸昏有如金湯地斷續還渾
渾突兀石側出倚杖聊可捫同行遙相喚長恐中路捐
忽聞犬聲吠相顧開笑顏筋力旣以憊且復獲所安勝
遊良不易茲遊毋太艱

過上三疊泉精舍

千竿竹暗雨昏昏三疊泉聲霧裏喧山氣早寒先向火

茶煙緩上慢開門燒菴何處尋遊子

先是菴爲遊人所燒謬許造還不果

過客終朝累老髡勞遣小師前導我凌溪絕壁恐難捫

前有捫壁石絕險

宿凌雲舍枕上口號

溪窗徹夜作雷聲屋溜泉奔聽不明雨即慳尋三疊勝
晴還悔下萬松坪崎嶇有徑寧辭險筋力雖疲尚可行
若使玉川門又阻一生辜負看山情

到玉川門不得渡

連朝雲霧罩峰巔又遣溪流鎖玉川攀涉豈宜頻阻興
溪山不信太無緣應防詞客詩篇少欲試遊人願力堅

直聽漲消重策杖今宵側耳恐難眠

鐵壁精舍

鐵壁層層斧劈痕團圞小構倚山根溪流橫過原非路
石罅斜通竇有門白晝雷轟巖戶動晴天雪噴竹窗昏
老僧供茗留人坐從此攀躋問水源

玉川門裏有山徑絕險可達萬松坪是無可師
手開看三疊泉孫魯山再爲剪刈詩以誌之
玉川竟達五峰巔鐵壁千層一徑懸繞石陰森寒白晝
隨泉宛轉上青天新修隘路板圍叟舊闢荒途藥地禪
要自此中親到過些些丘壑笑龍眠

到凌雲舍知吾鄉孫魯山前半月過此攬勝而
去亦未登五老峰寄懷二首

玉川門外水如雷纔是先生攬勝回
苔蘚曾經藜杖破荆榛爲過筍與開
蒼崖磨待新題句紅葉燒餘舊爇醅
莫笑問津人絕少經旬又見老狂來

匡廬絕頂最難遊也向松坪幾日留
客到每逢雲物晦我來又聽雨聲愁
空園僧舍連宵火欠看鄱湖萬頃秋
五老見人羞踏甚肯容大老上峰頭

三登泉

靈輿不易探興會詎可誤不出漲以消
島鳴雨初住杖

策沿溪流曲折經屢渡玉川徒有門鐵壁絕無路雷霆
互喧壓雪浪奔奔赴側身窺洞口有物向空吐大聲恫
心竟焉得不速去踰險恃輕身乘危戒反顧雖極攀涉
勞頗盡林壑趣稍見三疊泉遙遙千丈素恐是蛟人機
毋乃天漢注一疊鬼神驚再疊蛟龍怒三疊江河翻傾
倒誰能禦餘勇噴珠璣猛氣生煙霧青天雨霏霏白晝
森然懼下有綠水潭聞爲神物護停泓似不流奔注忽
以聚銀花掇四圍動定各回互莫測瀕洞端焉知際洞
故至人法坎止此理應可悟坐久毛髮竦寒色滿衣屨
山空無日光焉辨朝與暮僮僕或先行導師亦同步匡

廬洵多奇茲觀亦已巨如何山下泉居然稱瀑布

廬山雜紀口號

一縷煙生頃刻濃終年頂上有雲封鄒陽好處層層見
何必求登五老峰

海綿千頃已全收

山志稱雲氣爲海綿

霧幕雲巾又蓋頭却怪此

賢稱五老如何老只見人羞

蒼崖紅樹錦爲斑疑有疑無霧雨間忽被煙迷全不見

分明一幅米家山

合鄱嶺上小團圓夜半門扉有客敲窺見老儒來乞火
多年腐物會成妖

山上常餐是芋魁遊人每爲絕糧回下方施米虛功德
一石纔能五斗來

雲霧峰頭萬畝茶好茶只得兩三家攜來山下無香味
應是山中水白嘉

茅菴僧出半開關常辦遊人到此間有米在廚客自飯
往來米價不消還

團瓢早積過冬柴一夜風號雪盡埋直待雪晴春始掘
叢林鉢鉢預安排

過白鹿洞不得入示繡山

先賢此地舊絃歌慚愧藍輿洞口過惟有斷碑當孔道

通憐古木滿山阿，藏書院閉人窺少。
養士田存官占多。
老去始明朱子學，門牆外望欲如何。

南昌遇何紫屏

執手章門此會奇，銜盃絮語不勝悲。
覽詩早信爲臯羽，投刺應知訝子皮。
范蠡變名賜夷子皮，紫屏初見予刺疑之。
異代功名何處論，半生出處幾人知。
點頭尚有蒼頭信，猶記當年肅傲時。

時

新詩五韻見交情，幾度高吟和不成。
惟恐傷時還閣筆，卽教懷古亦吞聲。
樽前得句蠻姬誦，醉裏題碑賈客驚。
粵中曾爲紫屏題政碑記。
回首舊游零落盡，天涯贏得兩狂生。

同紫屏訪黎博菴廬居

南昌前輩古風流特訪廬居問蓼洲

地

木榻半穿身未

老板門閉閉氣常秋酒盃自向東籬把刺字遙尋北海
投別後有詩無忌諱好憑何遜寄揚州

陳士業數過小寓論詩率爾有作

三十年前陳士業相逢豪氣尚如新興逢文酒全忘老
家爲交游積漸貧是我有詩皆過目訝君無字不留神
旁觀莫怪深談久海內深談得幾人

滕王閣同方繡山敦四宴集得風字

滕王高閣聳層空乘興登臨二阮同檻外雲山餘舊恨

城頭鼓角送秋風

以是日

天時已變江流裏人悲

夕照中却怪來游詞客少子安詩句至今雄

車江門外已成烽高閣重開與昔同村市半沉秋後水

帆檣爭趁曉來風他鄉對酒偏難醉勝地題詩不易工

遙指西山蒼翠裏後人曾見採芝翁

懷安期生

再和風字酬敦四

憶別江城恨未窮他鄉重聽話遼東虬鬚點得陰山雪

貂帽吹殘大漠風白雲弟兄多日紀懷人詩句怕雷同

向來飲量稱無敵底事持齋不肯雄

數日怪予無詩見懷予笑曰恐兄入

關後情詩者甚多以此自嫌

章門喜遇陳是菴別駕併爲催粧

相逢猶憶少年場異代蕭條識老狂幕府檄來徵考績

錦屏客聚爲催粧樽前燭影欺新月簾外花枝報小陽

時爲十獨有舊人今夜冷知君惆悵合歡牀吳菴未請娶先已試

山門周農父楊嘉樹至自嶺南云於羊城晤姚六康

其喜極有詩

軍門驚拂嶺南塵說向羊城見故人海外已傳蘇軾死

天涯猶念馬卿貧哭難諱誤何須諱笑我情疑果是真

早晚公軍注主過相送悲喜一時陳向因友人訛傳遂有哭六康詩想見

之亞然
一笑也

寄陳昌箕廣文兼問鄧子與

廣文五載滯延平此郡溪山舊有名
閣裏邀賓翠磴上
廳前視事見帆行
酒錢易盡誰相送
詩料雖多莫漫成
沙縣故人常會面
也應細說昔交情

寓目

此郡焚蕞盡東偏
土望縣竹園新
佛舍瓜地舊侯家
釣艇城根出浮圖
郭外斜城外浦
分明遺址在想見
昔榮華

瓦礫堆邊路游
人展轉疎橋平
齊放馬水活暗
通魚沒

入皆官地租來有客居
月明胡底妹羨爾夜深漁

贈葛霜華

侵晨尋古廟梵誦隔林聞
小豎同持旣行廚不動童坐
多逃世客集廣放生文獨有圍棋好時賢總讓君

壯年遂不仕常憶朗陵危
奉檄開城走沈舟下峽遲尊

公客宛在予少時丁卯尋尊君清涼寺
伯氏死誰知變

時今是也水前題
自說無生趣應飯次導師

寄無可師

此來尋五老亦擬問圓瓢
豈意游踪滯還聞去路通江

寒舟杜換地僻伴難邀
小阮時嘔玉應堪破寂寥頃有沙彌

無件爲大師猶
子遠尋西上

近議安禪處身心得自閒供惟勞長者居不擇名山法
席應爭請餘生且合還故鄉斟酌住浮波白雲間

白雲亦祖

庭不必定
浮山也

吳城阻風

鄱陽不可過兩日臥湖邊屐阻通街路檣連下水船升
師私攬載僮豎藉攤錢薄暮占風色閒看市井煙
急雨爭移纜檣聲喧滿江市燈收酒店官燭隱篷窗積
悶憑詩遣閒愁被酒降避風高枕後應傍洞庭樓

潮落墟初出舟航集市門邊商人盡讓楚客語多喧曲

巷穿山徑巖牆上水痕含公祠開甚新稅及梨園
小市舟難泊潮來取次移高燒與惡燭淺酌試新蕤
默惟眠好昏昏與醉宜僮童工弄笛詩句倘能吹
遠與章門別還於此地留銜盃聽雨點解纜避風頭泊
必依官舫幫無虐小舟榜人通夜罵且免客途憂

渚溪

礪陽不可過小渚避風湍盜出因湖閣船多得港寬僧
誣神託夢隊借長充官局促篷窗裏聊偷一夜安

泊渚溪寓目彭龜

秋水寒不退冬月暮多風回舟泊小渚登高望征蓬通

見所來路浩若乘虛空自非指南車焉辨西與東白沙
疊爲岡其上草木童山色半蒼黑煙雪互濛濛時見岡
巒斷頗疑路四通乃知皆島嶼浮汎波濤中間道前山
下屢號暮夜戎榜人戒行客勿貪利涉功亦有西上舟
點點鳬鴈同帆影旣以盡目力猶未窮轉睇匡廬山杳
冥霧雨蒙我舟去何時羨彼孤飛鴻

泊大孤尋白泉寺

北風不肯息波浪逆我舟中流開篷窗遙見松竹幽舍
舟步出市策杖入林丘果然愜所願小構藏山陬圓籬
旣以治畦徑亦頗修僧徒勤梵行日暮猶未休客至何

所供茗香足淹留山泉味極甘雪色照素甌欲往尋其
源源深谷不流渾渾井中出有如白乳浮以此名白泉
因有人來遊君看白泉名題在寺上頭

石鐘山

昔我挂帆上江流何渾渾順風過絕壁斗削不可捫遙
見繫舟人有若巖隙猿今來水始落與子同扳援石拒
本無徑壁裂如有門時時奇鬼搏往往猛獸蹲絕頂望
江流浩浩東向奔還顧足垂處凜然森心竄下見石鐘
石紛紛考擊痕嗟此季勛誤如何至今存此山本空洞
如覆盂與盆水落入可入有路達城根以此風鼓浪水

石五吐吞所以蘇公來大聲水上喧自公此記出一洗
石鐘寃明明水經注不肯信鄺元世無讀書人固陋安
與論

阻風鱗魚嘴卽事

北風不可下艤楫繫枯植入舟苦局促於杖聊可拏居
人避水去茅屋半欹斜婦人投所親丈夫或在家市上
何所有但有小魚鰕此鄉無禾稻所恃麥與麻麻麥既
以盡蘆荻不復花水田寸寸量賦稅日日加江濤激頽
岸敗板圻官艤忽憶廿年前吾友沒江涯旅櫬寄此地
有菴名蓮華故鄉在三原欲返道路賒今來時代更洲

諸旋爲窪蘭若復何有總有委泥沙男子死四方豈然
首丘嘉螻蟻與魚鼈同盡何傷嗟歎息回篷窗淚落黃
昏鴉三原石胤崑客死此地劉客生殞
諸蓮華菴今詢其地已爲島有矣

宿磨盤洲

此洲昔殷盛漂蕩幾家存江口旋編屋潮頭尚打門樓
船乘浪進鼓吹雜風喧小泊更籌裏豁然似一村
放舟小飲忽過皖城醉中口號

舟輕無浪且銜盃百里江程一刻回高枕轉時驚幾堞
蓬窗推處見樓臺各晴蒼翠雲中出夕照丹青水上開
醉眼莫疑看似幻海門自昔號蓬萊

到樅陽

望見樅陽近風帆及早收漫愁舟進口且喜水回頭
井新開店人家始下樓江流雖勇退勢比昔年秋

癡舟遇姚彥昭得左子直燕邸信知魏子存相

念

我纔破浪至君更逆風行自笑年年放空勞處處爭
今秋北日邊游于信劫後故人情可識廬山返新詩帙
又成

聞姚經三司李建寧

閩海芝城我舊過先賢遺蹟滿巖阿雲山入座侵書帙

聽事開簾足嘯歌一路簪香茶筍妙四方書牘聚梨多
詩傳易學同時出皆經三業擅千秋奈汝何

素志

宿汪惟肖山居索詩爲徐月鹿五十壽走筆奉

寄

汪子空山一茅屋黃昏驢背邀我宿客有白飯驢有芻
擁爐夜話徐月鹿月鹿才名我久聞與我未交交以神
往時豪氣傾江北祇今清譽騰淮濱淮水東匯清江浦
南北舟車日旁午太倉悉仰輓輸功過客恃爲地主
年年採木造漕船昔何苦窳今何堅物價旣優功亦倍
家家得用水衡錢朝廷計功不計費區畫要爲百世利

卽助掣肘另增官何意同官與同志如君才真天下奇
朝起視事夜賦詩判牒爭求蘇軾帖放衙閒賭謝安棋
君於朋友有高義吾里相傳兩盛事卽孤已見李狂生
娶婦復聞楊處士明年正月君五旬祝君詩句滿堂新
可憐汪子解君意論詩偏重老遺民夜深邀我飲我酒
酒酣屬筆爲君壽酒醑告罄詩亦成此時誦君君知否
汪子早去稱君觴予亦還家卽整裝明年倘過黃河去
淮上爲君醉幾場

寄徐莘叟太史

名園策杖屢蹉跎準擬今冬約伴過身隱未能忘筆墨

興衰猶喜聽笙歌常時放櫂千江遠老士騎驢兩日多
雪霽山寒行不得花前留醉待春和

贈牛山人

松桂陰中舊草廬一窗偶借道人居飯香僧舍煙生處
茶沸山亭月上初老去守中防客氣靜來試眼寫方書
同年壬子推君長鬚髮相看迴不如

爲憐多病學長生瓢笠尋山到處行賣藥隨緣囊漸減
彈琴無字指偏清脾因過午停餐健體自中年絕欲輕
向道周郎能顧曲至今宛轉逐簫聲

田間詩集卷第十一

田間詩集卷第十二

客隱集

甲辰

從陽阻雪

北風不可去擁被阿咸家急雪窺牀集翅
侮燭斜喜饒新歲酒愁損故園花正好看飄
撇疎簾底用遮

元夕阻風錦衣洲

津市無多路帆檣不肯前大風收港息孤月入窗圓
寂寞過燈節淹留恨米船同舟沽飲去贏得守蓬眠

白鷺洲宿胡星卿草廬

去歲秋潮漫遙憐處士家瓜棚述樹倒籬落與門斜魚

走塘皆破馬來路莫遮竹牀留信宿猶能醉

馴象門尼菴弔黃坤五旅殯

旅櫬何時至郊扉此獨栖門開驚鼠走客到觸鴉啼親
戚已都去銘旌尚未題老尼言後事一字一含悲

平生稀一面共訝客心悲塔寺虛相待萍踪竟失期

留壽我長干寺中久待不至荒唐天問註寂寞義熙詩今日筵前拜

竟兮識我誰

連歲風波惡艱危剩一身如何道此老畢竟死於貧作

客原無主哭君寧有人舉家生計盡誰復望交親

前輩看將盡聞君訃益嗟吾方哀氣數人只惜才華在

世原無謂偷生亦有涯漫勞悲客死何處是君家

長干寺酬趙月潭先生見過

蕭寺僧房僻頻勞緩步尋虛懷前輩誼握手古人心道
合交無淺時危語莫深正思詢典故欣接舊詞林

雨阻長干寄徐月鹿水部

準質扁舟向北行無端又滯石頭城塔檐徹夜聽鈴語
巷口侵晨厭屐聲柳色遙連淮甸綠江流空憶浦關清
知君退食衙齋靜與客圍棋日幾枰

寄陳階六大參

二十年前舊酒徒風流三接憶當湖

尹爲平湖令
予曾過訪

強邀

荀令除官格醉擁秦青置坐隅飲量難餘疑漸減筆花
老去不曾枯秋來覓我淮陰市看取狂奴興在無

七年前寄數行書隔歲遙傳雙鯉魚以我酒狂時復作
知君豪氣未全除道分出處情寧異地阻江淮跡太疎
寄語詩城諸社侶藕花開日好遲予

上河訪王汾仲口號

不見王生已六年看君難後益蕭然軀孱判爲交游累
家破難邀故舊憐屋僦半間聊訓讀書求八法罕酬錢
兒童散去窗初靜自下門扉與客眠

示程子介

時俗人情更莫論看君落落道心存
幾祇濟貧交急
失意難忘汲引恩
性僻吾原愛寡合
江鄉世反怪交言
如今好客平原少
蹙者誰容尚到門
予薦子介於貴人宅爲其內人不悅

王元倬移居巷西約同姚伯石楊炯伯王果青

陳聖侯小集

江村歸去信難通
每念南陔老病翁
徙宅不曾離巷北
避鷺仍可號牆東
此身幸在寧嗟困
吾道雖非未算窮
試看樽前無雜客
論心猶有數人同

荅石湖禪師見贈

天界堂頭老導師別峰未見已相知敢開大口爭談法
或有微言雜在詩易學偶於窮處悟禪心時向醉中窺
謬勞佳句深錐割其奈凡情不肯疑

荅棲霞竺菴禪師

曾到黃龍空手還餘生得意酒盃間細看妄想寧止滅
自信狂言不可刪佛法忘來隨處見南華讀罷此身閒
導師惜我頻垂示却怪頑夫老更頑

雨宿方望子寓樓

小樓聊假息留滯忽經時月色愁中誤雨聲醒後知朝
炊爐不出夜漏榻頻移多少交親宅唯君借一枝

過方爾止晴望樓小飲

高閣倚城隅當窗二老夫人煙昏後合山色雨中無
俗真宜避吾徒幸不孤隔鄰饒畫手此意亦堪圖

芳樹六章爲方爾止山六十初度

倚倚芳樹蒼彼丘園有泓其池有翼其軒之子肥遯于
今十年或勸之出笑而不言出者屢蹶信處也賢
芳樹伊何維棣與棠棠柯冬挺棣陰夏濃良時置酒老
友過從其跡則異其心實同相顧念昔胡然而翁
惟子壯年意氣揮霍居室屢空行歌自若我與子交禮
數脫略于貴不驕我貧而樂文酒爭長緬言如昨

秋風始肅陟彼匡廬南阻道絕簪裳以趨我棄其杖焉
用彼扶子不我後屣勉倚壚乃夜紀事謂我弗如
子年五十誕厥嘉兒六十之辰兒已追隨對客能書抱
經能疑侍坐於側言笑以時親戚驚歎曰此子奇
子有奇子亦既有家賓客咸集樽壘孔嘉臨觴不御哉
影棲霞念子素履弗紛于華青山矢志尚其勿遐

栖霞禮浪大師塔院

導師歸寂久禮罷淚難禁在日無多法臨終只此心自
憐親近淺已覺受知深一瓣香藏久遠巡直至今

登攝山絕頂

嗟峨獨枕大江隅，興客追攀興未孤。
麥色不齊分野綠，潮頭初上滿槽鋪。
煙奔谷口橫空去，雨截山腰過嶺無。
漫說金陵佳氣盡，此峰仍障帝王都。
名幾俯視萬峰羅，垂老支筇始一過。
劫火不銷千佛石，烽臺長鎖敗軍河。
金焦影落天晴見，瓜步帆收晚照多。
借問朱家慶戰處，萋萋洲渚塞煙波。

池州凌雲閣同楊嘉樹作

苦雨淹旬不出城，忽登高閣見空明。
湖堤水闊尋山阻，倚竇潮平梳棹行。
遠黛似螺餘頂見，濕雲如絮半腰生。
獨推一榻容高臥，纔聽官船喚打更。

涇縣道中示嘉樹

老來遊事拙長路仗同人冒雨先尋店留船自候津驢
遲煩客促僕慙代予嘆竟日通忘倦沿途唱和新

涇縣感舊贈王雲從孝廉

久不驅轡出況當溽暑新偶來因老友

爲何紫乍到問
屏見邀

同人在市焉能隱偷安賴得貧相逢不相識
身疑是前身

文物悲前代雞壇憶盛年美髯疎似畫逸興涌如泉吾
道名爲累交情老可憐相看頭白盡敘舊意茫然

經旬常臥病積雨沒蓬門何必離人境自然超物論

年來

多難唯雲
從超然

交多難謝客屋小每移樽惆悵平生意相期

竟夜言

舊遊看漸少絕迹意何如文字已全廢山林無可居難
通微士詎莫寄孝廉書

謂眉生
道吉

來往琴川上空逢赤鯉

魚

同紫屏偕閩中諸子遊水西寺卽事

有上中
下三寺

三寺鐘聲隔水西連朝約伴費攀躋山城樵早喧爭渡
海國童嬌跳過溪夾路果園村姥護誰家茅屋午雞啼
沙邊瀨淺全無徑莫怪遊人屐齒迷

竹樹遮門一徑深樓臺髣髴見叢林寺碑每記宣宗蹟

寺爲唐宣宗
宗替龍處

山誌多傳供奉吟

太白詩最多

丹井梵存僧罕汲

井

賞溪流改更何心

僧言賞溪本在山下爲邑今改而東恐不然也

客來想

像秋霜閣亂石崩崖無處尋

丈室僧遺小影懸支公沒去已三年

謂友蒼和師

飢分麥粥

當龕發醉放蒲團帖地眠覆席陰移崖際樹侵肌涼透
雨餘泉水邊林下經行處土銼茶煙迹宛然

古澗寒飈速客回行過中寺偶徘徊法堂堆麥僧長鑠

別院穿松客自開已見白雲歸作雨

上寺名白雲

誰聞黃葉

喝如雷

下寺即黃葉所居

上人選石留茶話苦被童奴趁渡催

贈漳浦莊孝廉儕鶴

漳浦風流不乏賢逢君爲客聚琴川藕花香散乘涼夜
竹葉樽同過雨天遺事欲蒐詢舊吏歸裝獨重有新篇
銅山共荷門牆誼細問遺孤淚泫然

送蔡君亮孝廉之新安入閩

嶺嶠崎嶇去路賒亂山孤縣偶停車酒樓窗近聞歌管
佛院牆傾見藕花浪迹終年長作客多情到處且爲家
天都取道閩關便還指羊城向海涯

贈仙遊吳鶴九孝廉

荒寺羈栖困客心乘涼隔院動相尋堂虛合坐需天晚
砌冷貪眠怕夜深閒寫道書消旅況醉歌巒曲操鄉音

論詩大有驚人語不許吾徒率意吟

過石壁和金太史江文學韻

行經山隘暗迴腸逐伴累臣此出疆壁上墨痕淋暮雨
溪邊灘響咽斜陽同歸益勵臨危志未死偏增殉節傷
記得孝豐聞變後吞聲重趼赴閩鄉

乙酉秋到孝豐聞新安陷

新安晤鄧子與答其見贈之作

葉落虛空散浮雲東西馳驟轉天地間會合終有時憶
昔干戈際慷慨與子辭斷橋一分手生死不相知我既
歷險阻子亦罹艱危間關度嶺嶠勉還茅茨念我平
生改消息當報誰忽傳南宮捷姓名久更疑見子應制

作高文何瑰奇人皆爲子慕吾獨爲子悲一官竟贈贈
始志果不欺我客長干寺邂逅陳昌箕言子狀甚困惜
子數甚奇數奇何足惜所苦終歲飢吾友姚仲子蕙氣
吾常推司李建安郡臨別屬以私惟子與陳子託其加
護持堅約秋深日尋子史溪濱何意汗漫遊聚首忽在
茲乍見不及喜亦不道相思但云中郎帳觀我贈友詩
心知我尚在寧知見有期所述無萬一涕下如綆縻子
鬚猶似漆我髮已爲絲相傾念疇昔豈必盡狂癡談笑
終日夕忽常與子晤我行無踪跡飄泊隨風吹子亦侑
者流游謁恐非宜人事日變更世路多險巇歸裝倘稍

給慎勿還山遲丹楓繡崖谷候子于武夷

新安長橋步月贈東筦洪藥倩

月白沙明夜氣清倚欄話久不勝情同年獨偕新鬚髮
老友唯記舊姓名南國風雲悲興代海天吟嘯似前生
述懷有句休高咏怕被人傳激楚聲

海曙尊經閣七夕同紫屏作限韻

金風入夕透疎櫺早見高梧一葉零五嶺同遊餘二老
十年幾處看雙星爲儒肯乞黃姑巧感物偏驚易鵲靈
夜半虛空音樂過還疑魯壁有藏經

閣上秋懷

憑凌高閣頗諸峰客到常登第一重
當戶白排三翠堵
遶窗青列萬芙蓉
秋清委巷無砧杵
日落荒林自鼓鐘
吾道旣非經學賤漫矜先代有儒宗

過白鶴山汪氏園

木落高城暑氣殘
精廬小構隱林巒
主人消去央僧守
佛相長供許客觀
一勺井泉通邑釀
名東山井水絕佳
令城取以釀酒
數竿水竹隔溪看
蒲團閣上開簾坐
也覺身心半日安

斷石

丹嶂何年巨斧開
崩雲墮地臥溪隈
應留仙客排棋局
恰許漁家作釣臺
潭上幾人能嘯咏
壑間諸佛自莓苔

石梁過處疑天造，塞斷休教俗物來。

閣上作寄謝廣文

海陽城郭半林丘，高閣憑欄望裏收。
三徑經旬無客過，萬家幾處有煙浮。
覆塔桂樹驅殘暑，出院梧桐報早秋。
誰謂廣文官最逸，炎天過盡未登樓。

久寓海陽學宮未識謝廣文面臨行寄謝

秋風日夕酒征衣，惆悵先生出未歸。
官閣登臨同水部，謂何紫屏高齋吟眺憶。
立暉榻懸梁上兒，能下酒出牀頭客。
自揮來去不須相識，面交親即恐太忘機。

同紫屏遊白岳紀事

磴道攀躋第幾重，籃輿一路入深松。山空客過傳鞭響，
日落壇荒見虎蹤。自昔御爐頒大內，至今金屋冠孤峰。
中和白岳遙崇秩，千載登封望世宗。

中峰石勢障丹臺，誰啓仙關引客來。雲路躡窮心已歎，
天門過去眼重開。千尋巨壑窺將合，一帶懸崖繞却迴。
最是老楠能作怪，無端火出自成灰。

天門楠樹
自燒死

珍珠簾下雨，絲飛客到秋。初暑氣微，點滴可能添瀑布。
飄蕭暗覺潤生衣，鳥來朝闕依時至。雲出遮門，近夜歸。
遙指香爐峰在眼，日斜頂上弄光輝。

玉屏高峙白雲齊，金殿平臨萬嶺低。天表舊傳成祖

有御碑親出 肅皇題門瞻紫極遙朝北路繞丹梯盡
向西禮罷上階窺繡帳真身猶是鳥銜泥

紫霄崖畔碧苔盈爲仗同遊鼓勇行巖際四時飛作雨
堦前衆壑瞑猶睛巨碑有字高難讀野殿無人老漸傾
更去莫愁前路晚夕陽村落正分明

洞天門隱竹松幽邈邈栖真在上頭倚檻秋陰青嶂杳
看峰晚霽白雲收仙家歲月終難駐人世風塵不自休
借問浮圖藏蛻處可聞笙鶴夜深遊

客祁門寓十王寺雜咏

一名悟
寺

城南悟法寺臺殿敞溪邊俗儉偏貪佛僧賢欲改禪春

喧臨水碓筒曲上灘船頗羨村翁古衣冠似漢年

經旬不出市草色滿庭荒破院埋雙塔長廊閉十王香
日常住累佛事一秋忙好接諸方衆尋師坐道場

禪林尙代廢今已合重興精舍栖遊子空房養病僧廚

閒殘梵夾甕墮走瓜藤昨夜光明滿新添佛母燈

老平難作客況是凜秋時何處求梅墓

梅傳寺爲前僧墓

閒來

辨岳碑

寺側有武穆題碑

醉疑沽酒惡醒怪打鐘遲去住惟憑

與前途不自知

茶棚閒寓目來往閩行舟日落波難待灘平纜早收烏
知施食集魚恃放生浮宰堵溪流隔常思到上頭

梵宇臨官道施茶信有緣漁蠻竿去遠

此漁人

健婦擔

爭先漏稅常通貨隨鄉不使錢

俗不用錢而商貨竊通吳越

米船江

右至最賤是今年

客居偏喜寺課誦晚堪聽禩待僧閒製杯因友病停

屏

方臥科頭時禮佛嗽口自持經見說山門古泥神大有

靈

山深寒氣早地僻屐痕稀游客已都去主人猶未歸有

書朝押酒無被夜添衣寂莫高陽侶閒時一叩扉

無事尋人語閒談每夜深土風崇鬼教梵唱雜伶音諧

俗老來態悔遊病後心所嗟詩思澁得句費沉吟

窮途依老友久臥客心驚請紫屏臥病藥竈通宵火鄰牀半
夜聲不眠長屬耳無語暗關情多少飄蓬處躊躇到五
更

訪葉特子

小構何年畢爲園且護籬天晴庭晒藥雨洗壁題詩茗
熟談深後櫺開客聚時要予常散步乘興勿須期

贈陳秉文

此地亦云僻交游每到門貧來惟屋大亂後有書存涉
世吾甘拙求人台厭煩同心能好我時許縱狂言謂方光玉

汪子先
諸子

李御侯醫士索詩

李生稱市隱小巷一壺懸
藥清晨集主方通邑傳
癘常買醉僧病免還錢
過午閒無事邀人合管絃

饒州道上作

過盡祁山路推蓬眼一舒
江平無險阻樹合有村墟
處處初收稻家家習打魚
怪予幽意愜生慣水鄉居

重九前三日李梅公司馬邀同文燈巖何紫屏

蘇興三劉遠公賞菊卽事

謝公池館倚城隈三徑斜
從竹裏開花綻早邀詞客看
鶴馴驚見野人來
庭階樂事聯詩句身世浮名付酒杯

正好縱談判燭跋城頭更柝苦相催

公子惟饒能詩遠山夫人有集行世

名園偶集盡交親況接先生滿座春深巷
嚴城鏤啓爲留賓樽逢重九前三日坐序他鄉第一人
自笑三毛資格廢追隨先達儗如銀

南昌舟中和紫屏作

時紫屏有門人督儲此郡

南州賦困已多年滿地征徭劇可憐羽檄屢催輸粵餉
彈文不恕過淮船民懷寬政完逋稅吏凜清風減創錢
最是開情師友切聽來含笑向江天

贈李維饒孝廉

破帽西風九月天偶同何遜訪平泉門如蔣詡初開徑

客似張融暫寄船丘壑晨昏隨杖履庭闈色笑有詩篇
親君佳句驚無敵愧長吟壇三十年

予生壬子君壬午
惜長三旬

劉遠公索題扁舟圖

蓬窗客靜楚天孤萬里隨風作釣徒秋水茫茫兩岸失
扁舟渺渺一絲無貌癯似辟留侯穀興盡仍歸孺子湖
從此全家移入畫不勞開卷更看圖

飲遠公湖上居

廿載扁舟客今年汎宅間相逢司馬第共醉菊花杯道
貌豐難認

遠公素癯
今益然

僧裝改自猜別離不盡敘明日即

門來

去歲頻來此，生涯羨作漁。那知湖上宅，卽是故人廬。
補葺因初返，蕭閒似寄居。何年結茅屋，魚艇到階除。
伊昔笙歌地，荒殘半似村。纍牆因瓦甃，編竹補籬門。
饌出遺方在，盤陳故物存。不緣驅寓客，那肯返家園。
狂談容易醉，禮法可全刪。掌燭初移席，留城莫上關。
湖風吹酒散，江月趁人還。却領門前路，茫茫一水環。

朱定遠索贈

故世職
指揮使

西江意氣苦難平，曾耳朱家舊俠名。肘上力閒惟賣畫，
肩間色在不談兵。國恩祇用窮愁報，世職還因廢棄榮。
尚有壯心降未盡，酒酣慷慨作歌聲。

附錄
寄李羽先

爲見羅先生青孫

豐城家世仰先賢
零落裔孫最可憐
大宅入官猶望價
遺書經火有誰傳
春無隔宿常留客
酒但謀歡不惜錢
記得夜深吾醉後
笙歌攪醒一街眠

李梅公司馬七十壽詩

吉州前輩氣如春
陽月剛稱七十辰
方外逢迎無禮法
夜分談讌見精神
世言安石真名士
我仰山濤舊直臣
懷抱一生詩酒樂
知君家世謫仙人

也知出處任浮沉
金馬遙憐避世心
老去鬚眉渾雪色
人前咳唾作鐘音
花矜玉樹先時放
韻押香奩逐字吟

遠山夫
人有集
定有赤松期結伴西山深處好相尋

李司馬席上贈文燈巖

欲訪柴桑路未通清秋忽聚菊花叢藍輿偶出乘高興

皂帽同時避朔風

席上惟予與先生絮帽

淚洒西州悲故相

謂姜開學

詩存南國表孤忠

公刻海岸先生詩

皖江湖接潯陽近我欲相

從把釣筒

題趙國子小影

報恩背上三尺劒救世壺中九轉丹此是英雄真面目

旁觀莫作道人看

將發黎博菴過舟夜話

理楫候明發先生乘夕來狂談時擊節小飲不辭杯口
已多年開懷從今夜開乞文曾有啗

許爲先
君慕能

相約及春

同

同紫屏訪洪浪上人

上人爲
予同鄉

精舍蓬窗見呼船暮叩扉小徒留客坐鄰院覓師歸佛
法同鄉護市器隔水稀喜君饒本色不用騎驢機

卜築無多地容身得幾間自矜蔬有圃須種竹爲關訪
舊客重到叅方僧不還相期秋色好結伴入西山

題石溪禪師畫爲何紫屏五十一初度

何子別我十六載鬚鬢已變冠服改章門握手淚泣然

點胸幸有兩人在今年春月稱五旬生歲維乙月在寅
吾生合秉五行秀木氣多者其人仁大撓十干甲爲兄
乙也次之配長庚陰符遞甲易帝乙慎德應鍾太乙精
石溪高僧吾老友手寫長松爲君壽不羨參天勢莫攀
且喜凌霜凋後松傍老樹還森然枝葉雖異根相連
谿亭兩翁語何事應是同叅枯木禪

夜到壽昌寺哭其天禪師

駐楫趨程日暮時逢僧還怪客來遲叅禪衆散叢林冷
說法堂空深草知夜到故人通寺喜坐談遺事一門悲
當年天界無窮淚又向西風哭汝垂

康僧閣上罄深談且喜吾宗道已南秉拂爭知能繼法
論詩謬許是同叅壁留半偈傳雙樹門對千峰守一龕
卽恐祖庭虛席久栖霞早問老瞿曇

過昭武謝張聞自明府買舟下延平

琴堂草屨閣門扃客刺初傳躡履迎自說簿書成俗吏
乍看談笑尚書生地銜驛困官難應縣瘠民頑法不行
爲覓扁舟勞損橈倚舷深頌故人情

到延平暮雨投宿陳昌箕寓齋

廣文栖半嶺路滑苦相尋我自推門入君方繞砌吟詩
毋因客廢酒且與同斟莫話七年別徒傷遲暮心

延平送紫屏南去予上建寧

送君聊佇立苦恨順風催
花已隨溪轉窗猶望岸開
霧中孤棹遠崖畔一人回
予亦逆流去明春可定來

紫屏約明

希至芝城

建溪旅泊邂逅許天玉因聯舟痛飲讀其新詩
不見許詢三十年相逢同買建溪船
高灘響急衝杯過古驛更疎聽雨眠
童豎暗驚談往事榜人爭聽咏新篇
吟壇屈指今無敵可但閩鄉數汝賢

醉後贈連石菴參軍

三山連子氣如雲酒盞詩壇天下聞
家世爲儒非所好

無端投筆思從軍軍吏豪華復誰過時事既非家亦破
城中甲第已屬人客裏賓朋猶滿座卽今僑寓建安城
過客何人不識名夜夜燒燈呼酒伴時時按拍聽歌聲
黃華山居最瀟灑一榻經旬爲予下對雨旋傾架上杯
銜泥每跨槽邊馬我本江頭憔悴人感君意氣重君真
急難但識朱家義交游誰信鄭莊貧跼踖轅下不言苦
朝朝帶劔趨軍府昨夜酒酣軍牒來仰天長歎不能語
連子連子爾何爲年年爲官官轉卑近來軍職賤如土
爾獨踴躍胡數奇連子大笑頻搖手此城負我千斛酒
問君酒債何時完酒完之日纔還官

將返延津留別連石菴

黃華山脚參軍幕白舫灘頭野叟來
風雨兼旬頻試伎賓朋無夜不銜盃
詩看速就才偏澁酒與同傾量漸開
欠事未聽新樂府相期燈夕盼予回

集連章侯齋頭用雲字

閩江高誼數參軍風雅傳家更有君
把盞綠浮通夜酒開簾白走一溪雲
飲豪似減相如病情至頻吟孫楚文
生有悼亡之感不是老狂貪久坐天
涯夜雨最難聞

重過延平訪葉慕廬司李

閩郡溪山在上游一時司李盡風流
偶逢遺老傳新句

謂文且喜荒城是舊遊君原籍皖江秀水人越國交情懷繡水

燈岩文物接黃州此邦變後難回首爲爾重登百角樓

不到并州十九年再來真倚故人賢似聞洞口猿猶叫
重覓津邊劔可憐名士豈能無過客此官不用廢詩篇
僧窗一卷樊桐草伴我孤吟夜懶眠

送陳昌箕廣文之永安併東諸友

廣文官滿不聞還向交遊覓酒錢已囑老妻牢鎖印
又逢高會慢開船山城兵占悲沙縣村郭人稠憶貢川
記取候門多債主莫將觴咏了殘年

百角樓懷古

百角樓高頰碧潯廿年此地再登臨渡江一馬踪全失
躍浦雙龍劒莫尋棟宇已更前代製雲山偏觸舊遊心
卽今壁上紗籠滿獨有羈人倚檻吟

延平感懷

廿載延平淚茲來始一揮登樓遺眺在過市昔人稀風
物淒殘照雲山斂舊暉虛懷詢父老往事可全非

冠蓋昔全盛經過祇獨嗟府前官下馬山頂吏開衙遺
事刪天寶名流散永嘉暗尋僑寓處錯認幾人家

伊昔居停在依稀寶積坑故家多易主委巷半栖兵屐
怯穿街過車危下嶺行降丁安插處今已是荒城

城市何曾改行來迴欲迷
資塗官路不亂曉寺門雞
寬過街分水槽橫巷有泥
東頭樓最古今已換新題

百角樓改

爲先
鋒樓

久斷閩溪夢何期此再經
山城堞更粉郡閣瑣餘青
搜誌書難借升衙鼓慣聽
莫嗟相識少吾鬢總星星

起居尋丈裏未晚紙窗昏
送客聊請徑看山只在門
僧寮兵婦雜公廨吏人存
故老勞相問慚予少舊恩

僧舍炊將絕況當歲欲除
所嫌栖近府敢嘆出無車
血少難成夢眼昏自看書
故園今夜冷兒女正愁予
冬餘無幾日客滯已兼旬
長吏時時易居民處處貧
固

窮惟信命貶道枉于人從事官偏冷煩渠給米薪

謂葉

也覺眠難穩朝寒不敢興炭錢經雨長米價過年增苦

憶論文友

時昌箕客永安

徒聞嗜酒僧

聞寺有酒僧亦遠出

隔溪好山色

天霽共誰登

客況從來慣窮愁亦自安獨傷頭已白又見歲將殘歌
管宵深近山城雨住寒世情吾不怪時事屬艱難

寄姚經三三山客署

一別經旬雨三山望不開遙憐司李署誰把論文杯作
客知予拙逢人說隔才幾時辭幕府歲晚共舟回

井叔立春前二日初度小詩述懷

垂老得良友茲遊頗不虛畏君詩卷少覺我語言疎政
簡早聞道庭閒時著書先儒遺集在日讀幾篇餘
也識公庭肅經旬少到門人稀知省事胥老不交言郡
以廉疑僻衙因靜覺尊登車風凜凜真見典刑存

雨中酬王因菴廣文招同陳昌箕羅菴亭吳子

絨劇飲大醉

廣文署冷晝常扃召客衝泥屐滿庭垂老成名羞作吏
半生得意在談經雨天傾倒真宜醉鄉國謳吟盡可聽
苦被衙齋催客去登筵酩酊不知醒

是夕復赴南平令召

除夕前一夜葉井叔招同江無方小飲大醉

山城冷署夜開樽把燭人稀自啓門一座皆醒有獨醉
大家恭默聽狂言老逢歲暮悲前事客到途窮憶舊恩
莫怪野夫無忌諱孤心此夜共誰論

走筆和井叔見贈原韻

高齋共醉兩三場歲盡銜荒燈火涼夜半酒徒哀與代
樽前詞客敘同鄉謂江無方安心不去憑年逼道與多方畏
夜長報道明晨官起早留連無奈此翁狂

甲辰除夕

旅愁鄉思集黃昏打鼓辭年處處喧遠致廣文蔬酒把
品其近分從事酒盈樽慕虛餽酒燒殘蠟燭難尋客祀罷家

神自掩門稍喜從遊能對飲細將詩法夜深論
半生萍梗滯天涯又向閩江度歲華地煖未須爐種火
途窮不信燭開花勸人守夜圖安睡制僕思鄉許醉譁
此際江村多閉戶松烟洩處是山家

田間詩集卷第十二